

仿

潛

齋

詩

鈔

序

三

性在滇得式也知良友曰王公亮九余一
言一可靡不服膺卷七期於無悖也皆嘆
乎爲癡且愚而公亮不顧也茲來中州
復得一李憲出亦与公亮如若公亮貌雄
逸憲出貌亦魁梧公亮性豪放憲之性
亦奇崛公亮詩多豪縱詭異憲之詩亦傲

岸不辱公亮好設兵事憲出亦身親戎馬
至尤異者削肌膚於余與公亮同一僻嗜
式任心出吮牙癩且憲而不顧也雖然憲
之與公亮一時傑才豈真癩且憲也哉蓋其世
實子月所契故不可以浮言奪也釋氏所
謂骨緣在欵信身丙辰春余與李憲心
方伯管幕駐師漢陽憲之獻詩投効宦

帥未及出見而先召示余上見詩甚異出

急邀入幕遂留營朝夕說詩論劍煮酒

談兵相得甚樂嗣因君子有祖喪並遭鼓金

歎復預回籍而漢陽遽復自是閉戶潛

修不復遠游去年春余隨霍帥援勦固陵

嶺出弋漢夏得把臂迨合肥既陷繞嶺出空

先聖王君家尊翁松巖貳尹亦懷空家不

哀久而彌敦可謂古也知好矣茲將赴楚
靈出出詩可序余謂詩本性情一生之精
神出靈畢露於吟風弄月出中故不必論
其詩出工与居但觀其性情寄托何如已可
得乎大凡焉知靈之春種正富學与季進
一肯式愛之一行鳥能測其所止但願潛居
此胸厚其根桓克夫識量展厥才思而又

加目所歷盡遊覽四川藉飛僊以逸乎
數學古聖而傳乎世鼎先采一種懋討審奇
氣自發而為兩大不朽文章雖日出所津
浣谷退步昌黎亦果不可又何嘗謂滿巖
出足嗜江瑤柱也是珍而與公亮同致及
嘲訕也於是為序

咸豐己未暮春望日又生方玉潤持子書

於仿潛齋



自茲誦之傳微無復因聲見心以感人而善俗而世所
號爲詩致用者弗取雖然其在名臣碩儒又未必不爲
之而工如

國朝之詩盛於鴻博中州湯潛菴先生亦嘗在選然則
見爲枝葉則枝葉而已究之夫人之生平好惡出處心
術事業寡識者不知其實皆具焉李憲之廉訪爲湯子
鄉人以翰林官出守山左晉監司再擢爲江蘇臬亦湯
子所舊治也始廉訪未被

命嘗以所爲詩擇余言余維人之於言無不肖其人者
廉訪少年清厲旣壯致身臺館揚聲郡國其操行廉勁

斥貪奢疾便佞脫疆禦赴重遣而皆有餘以視歷代所稱峭鯁若韓休精力若黃霸俸外不入若蕭傲不受私語若申屠嘉功狀盈几裁處無稽若張嘉貞根株窟穴所在銖兩之奸皆知之若趙廣漢經畧佈置人莫之解見其成事方相驚服若韋孝寬殆無一不及者而其所爲詩乃復抗直豪邁上下千古造次頃刻悉中典奧古之人以經濟顯且不能盡有其才彼徒能文詞而治事不足者又何如愧也廉訪爲治獄之官今往三吳雖非若湯子之撫其地然吾觀大雅民勞之詩曰無縱詭隨式遏寇虐以至於柔遠能邇夫無縱詭隨則講張之人

絕式遏寇虐則強橫之勢戢斯因執法者之所得爲而
惠中國綏四方胥視此矣廉訪深於詩其能以爲不然
歟昔人贈言多於其將行故序廉訪之詩而兼以爲別
光緒歲甲申冬十月豐潤趙國華

仿潛齋詩鈔自敘並目

自十五歲至五十二歲存詩一千五百六十首計十五卷續刊卷俟附後此數十寒暑中鴻泥駒隙賴覆瓿物爲記事珠偶一披閱聊以自娛非敢問世違論傳世耶光緒己丑九日憲之記於京師之匏廬時年五十有七

卷一 聞詩集 古近體詩八十九首

卷二 從軍集 古近體詩九十首 附一首

卷三 課餘集 古近體詩一百七十九首

卷四 公車集 古近體詩八十首

卷五 乞假集 古近體詩五十首

卷六

望雲集

古近體詩六十九首

卷七

餘園集

古近體詩六十二首

附一首

卷八

寸草集

古近體詩一百三十三首

附一首

卷九

浮海集

古近體詩七十六首

附四首

卷十

趨朝集

古近體詩六十七首

卷十一

使粵集

古近體詩一百五十四首

附一首

卷十二

還臺集

古近體詩八十首

卷十三

守青集

古近體詩一百七十二首

附二首

卷十四

移濟集

古近體詩六十一首

卷十五

備究集

古近體詩一百九十八首

附二首

仿潛齋詩鈔卷一

聞詩集

光州 李嘉樂 憲之

丁未中秋對月

明月高寒照九州
庭排瓜果又中秋
今宵倘遇羅公遠
便向清虛府內遊

戊申冬侍家大人赴江右

重走西江路牽衣戀母慈
是爲遊子始莫負少年時
山水行何遠風霜苦不辭
學成歸故里尚可慰生離

抵九江登岸望見能仁寺塔

髻齡舊遊處高塔表江城

舊寓孝子坊與寺相近

七載不相見重

來恰有情客途迷故館明日促嚴程小艇今宵泊荒洲
雁報更

琵琶亭

潯陽江上一亭橫我亦天涯作客情楓葉荻花秋似昔
搖風猶學四絃聲

舟泊滕王閣

都督延賓盛譙開馬當風順一帆來不傳快壻佳文字
人比江神更愛才

至南昌寓王文成公祠喜晤吳時可草坪昆仲

一笑相逢總角交讀書幸共此衡茅諸君輸我知鄉味

兩度潢溪覓舊巢

特可昆仲
從未歸里

謁王文成公

名儒名將亦名臣
血戰鄱陽大義伸
生性良知兼智勇
封疆處變倍精神
誓師果有安邊略
臨事方推講學真
奄侍強藩空跋扈
不曾動得讀書人

侍家大人渡江舟遇大風

大風掀起江水立
一舟簸若箕中粒
篙師失色喚落篷
白雨隨浪打窗入
收帆不得風益狂
瓜行中流去矢急
偷窺不見鄱陽湖
但見水天一團黑
兩岸雲林盡倒飛
頓看几席衣裘溼
嚴君危坐了無驚
家僮向隅相對泣

須與駛至小孤山隔住狂飈船始息舟人相賀稱更生
是真天幸非人力驚魂我亦稍稍蘇萬頃綠波澄斜日
至瑞昌寓野寺中家大人始命作音聲樹賦

吾生十七歲華更學作淩雲賦未成記取鯉庭初脫稿
寺牆新竹一枝橫

連日大雨

湓浦荒涼破扉孤連朝檐際雨聲粗無端走入蛟龍窟
覺有腥涎繞座隅

從周晴門先生學

海春

雕蟲習就卽詞章兩世淵源此一堂

晴帥之父前在九江授子業讀異

曲同工休再誤從茲相顧有周郎

抵省寓火神廟旋移還王文成公祠仍從晴門師

讀並與胡里泉

和鑑

同學

半年數徙費經營依舊蓬廬照眼明地是重來忘逆旅
人因小別最關情一時師友都才俊千里江山屢送迎
記取夜窗斜月影祁公親聽讀書聲

謂吳季眉外舅

家大人解餉赴滇予仍留寓

一檄能輕萬里游喜從閒道返光州旁人不解烏私意
總說滇池覓舊儔

昔別慈闈今別父外家寄食影方孤他年一斛酬恩厚

不用檳榔卻用珠

庚戌冬家大人差旋母率弟妹偕至喜賦

迎接江干去鄉音倏滿舟一家欣聚首兩載話從頭未
覺慈顏老先銷客緒愁依依憐弱弟絮語不曾休

送吳季眉外舅歸固始

草笠團團返故鄉卅年人已厭官場家園耕釣斯爲福
仕路升沈太不常鳧鷖欲仙知所止鱸羹有味願初償
同僚莫惜清貧况還購多書壓宦囊

略帶輕霜兩鬢飄便能歸隱亦超超官卑還望誰援手
年老何堪再折腰真趣無如桑梓好閒懷不覺水天遙

回時路卽來時路半面江風柳萬條

折花枝入書函中寄胡里泉於廣豐

郵程屈指一緘開認取吟窗舊地裁惆悵東風下相見
良朋何日共春來

侍兩親赴瀘溪丞署

山城斗大萬峯攢八口棲遲廨舍殘草壅牆頭庭覺暗
泉藏石骨水流寒人從僻陋尋閒趣天闕蠻荒礪冷官
清白家聲長不替兩餐粗糲有餘歡

朝餐

累母尸饗敢怨貧官庖連日甑生塵荒城六月無蔬賣

折盡空庭一樹椿

課嘉賓弟讀

頻歲脩羊費已糜親教弱弟簡重披灤城倘有知名日
應記東坡是爾師

小圃望見牆外諸山

白雲欲出山山故挽之入清風欲入山山復推之出披
拂物無心撐拄山有力雲山兩相值幻作晴空色忽然
清風來白雲徐收拾數點青山青繞城相對立

家大人調秋闈差攜予至省卽命歸光州應童子

試並侍養 祖父

歡侍慈闈未一年含飴又覩故鄉天瀘溪難阻思親夢
山水千盤落枕邊

幾多皓首困經師莫便怱怱喜上眉黑漆前程九萬里
溟鯤未到化鵬時

別齋前花木

竹鳴橫斜卉幾枝半年欣賞又長辭憑闌欲墮西風淚
爲問花靈知不知

百花洲

百花洲上百花開瑟瑟新涼錦繡堆回首斜陽春水滿
東湖一日一番來

渡鄱陽湖

匡廬極目尚微茫萬頃寒波一葦杭吐納乾坤江異派
拍浮吳楚水爲鄉汀洲秋色長征路礮火前朝舊戰場
如此風濤如此險兒時見慣覺尋常

赤壁

舵尾拖烟亂船頭戴月明昔時美人去今夜秋水生

抵家

秋風吹客返征鞍又到家山習靜觀挾策從今無盡境
含飴似昔有餘歡舊遊閭里形何窄新閱江湖眼漸寬
那得南來逢驛使高堂日與報平安

偶成

七尺軀從斗室踈著鞭畢竟讓人先生原無賴非關酒
死果留名勝學仙空抱班超投筆志已慚蘇轍上書年
吟窗風雨秋來鬧觸起胸中恨渺棉

春雨

泉聲夜向小窗過晨起池塘漲綠波有限韶光隨雨滅
無端閒夢到春多新篁初種含生意濁霧難清撫太阿
惆悵東風吹未已倚闌背手且吟哦

題呂玖芸先生六紅詩話

好詩如話話如詩名士風流筆一枝誰爲繪圖傳貌古

卷首有
我來問字恨生遲逸情渺渺江山助游蹟恢恢

幕府奇晚歲蘭亭留寓久激湍時被墨花滋

晚寓
蘭亭

州試

姓名頗恥居王後青眼全無一顧恩

榜首
王姓

莫效君苗焚

筆硯人間或有信陵門

驅犢行

雲低日黑陰風起鄉人驅犢來城裏筐筥釜甑共一車
更載妻孥與行李云是盜賊肆橫時殺人如草無時已
賊來妻子不得生賊去仗犢生妻子人與犢亦何重輕
進城共覓生全理驅犢來時犢不行猶戀豐草郊原美

犢休戀草與郊原室廬盡歸一炬矣我聞此言心怛怛
買犢高風今誰比盜亦昔年叱犢人不有縱者奚致此
吁嗟乎受人牛羊求牧芻不驅之生驅之死

讀呂菴扉還讀軒詩鈔卽集其詩中原句以贈

先生落拓究何之卅年潦倒未逢時吟哦自有悠然趣
轉於淡冶見清奇風流身寄蓮花幕有時攜扇行吟賦
巧思何須擊鉢催月地花天等閒度斷梗飄篷一葉輕
放懷高潔擬冰清山之南兮水之北珠貝都從腕底生
游興喜乘時一刻萬斛新愁如雲集聚首萍蹤無定方
故鄉千里傷追憶春花秋月總留神具得鬢眉七尺身

酷羨吟懷若明月取他爛漫見天真高飛夙有凌雲志
可憐多少英雄淚事到千人總覺難拚得今朝一場醉
洗滌新愁醉放歌豫楚齊秦去路多廊廟之材依草莽
懊惱光陰客裏過劇憐游子傷情處晚來漫賦歸兮句
人生遇合不可期雲衢隔斷飛騰路消磨英氣半闌珊
瀟灑胸襟海樣寬擊碎唾壺徒自苦筆墨因緣索解難
潘江陸海稱雙美怪他舉目無知己感承示我意悠然
酬以長歌書一紙生平閱歷有剛方斯是君家最所長
詩狂竟入非非想輸君嘯做到虞唐

錢貢齋明經

雙南

吾鄉風雅士也設帳某家方半

年以他事解館去好事者稱爲錢半年一倡遂
百和矣作此解之

授受一堂何計年計年偏止半年前秋冬本是收藏日
爲按農時誤硯田

藉藉聲名說半年風塵物色總堪憐笑他自詡遴才士
已失人間萬選錢

和萬乃齋詠菊元韻

幾盆異樣吐芬芳半傲寒風半傲霜詩總無瑕涵畫境
和章甚多花偏有幸伴書堂移從塵市珍秋色解爲清才礪
晚香此是黃英好結局西陵客興正疏狂

贈馬杏逸布衣

韶武

隱居蹤跡類壺公，市上憑誰識此翁。
文字不隨時俗變，丰標幾與古人同。
憩棠舊蔭留鄉里，其先人宦中州藝菊奇方

奪化工

性喜植菊

何事著書多，歲月閉門東。郭板橋東

豈真無夢到封侯，磊落奇才已白頭。
尚盼英雄能晚遇，最難草莽抱先憂。
用兵淮蔡宜車戰，寄跡光黃倚筋籌

著有車戰說

在得陰符藏故篋，歲華老矣爲孫謀。

自課一孫

雅人佳境兩堪欽，賣藥韓康孰賞音。
餘技猶爲醫國手，閒談總見濟時心。
養生有術圖曾繪，又辨莊老異同著有圖說買醉無錢句獨吟。
更喜寸園能避世，一拳便抵入山深。

祖父攜予至固始贅姻吳氏宅

百年婚宦擾天真忽忽光陰廿歲身
詩草催妝瑤席酒
燭花送喜洞房春
兩家父母償初願
千里關河驗夙因
我有青蓮一枝筆
不妨學作畫眉人

鄂王廟題壁

五國城寒駕不回
獄成三字有餘哀
臣甘冤死原無恨
恨少黃龍酒一杯

觀客舞劍

風起雲飛落日黃
座前隨手掣寒光
劍鞘放出一龍舞
三尺秋水逼人涼
華屋張筵明高燭
駿馬寶刀裝勁服

壯士驚起荒雞鳴將軍雄呼猛虎伏項莊昔日氣吞雲
轉瞬鴻門歲月奔公孫大娘傳神俊旭顛書法妙能分
文章武事俱千古劍兮劍兮終何補世閒鬼蜮我塵魔
藉爾斬盡永無苦

夜雨

挑盡寒鐙火尚明涼生竹屋夢難成枕邊不斷蕭蕭響
知是風聲是雨聲

燕

門戶依人不覺低上林幾見一枝棲春風吹到秋歸去
銜得芹香總算泥

黃岡萬遠村茂才作孚以書來訂交賦此答之

五色雲中下一箋知名便已種因緣何須識面情纔厚

難得論文妙早傳披拂未堪籬菊賞遠村有籬菊詩品題竟許

竹林賢函中及元禧叔等閒敢作攀嵇想只此回書亦隔年

物色風塵不棄瑕自翻無福倚蒹葭高人地隔將千里

才子天生總一家學已先徵芹采泮姓還待問杏開花

微名何日交傾蓋榮似他年蕊榜誇遠村句紅杏花中問姓名

前番僥倖識名流謂令兄乃齋半載傳箋願始酬笑我慣逢

佳士晚見君還得幾生修驚人有句須先寄縮地無方

未足愁記取挂帆江右去應看訪戴到黃州

送王秋潭旋里

蕭寺城南喜暫陪，歸裝又向臘中催。一尊拌醉離亭酒，

千里遙探古驛梅。月不重圓應懊惱，

秋潭尊闕作古

春期相見

再徘徊，銷魂我亦常。愁別唱到驪歌第二回，

前年冬亦有送別句

憶梅

我與寒梅兩夙緣，別懷寂寂又經年。裁書欲寄司花尉，
得句聊儲買笑錢。有夢易隨籬外月，無情應負雪時天。
就中誰解相思苦，紙帳香痕尚宛然。

尋梅

酒酣餘興句長吟，除卻梅花更懶尋。縞袂或嫌塵跡擾，

芒屨不厭入山深，紆迴野徑通松嶺。
約略春光漏竹林，羨煞逋仙高臥穩。
黃昏飽看暗香沈。

嚼梅

誰道梅堪止渴望，花時高士亦充腸。
宴開東閣心成玉，句誦南華齒漱香。
遠勝人間烟火食，偶餐秀色水雲鄉。
古今絕好和羹味，結子還流百世芳。

畫梅

不須驛使寄鮮新，偶念梅花代寫真。
晚歲丹青高格調，令人筆墨健精神。
拓開化境曾無影，補遍塵寰未有春。
知否此中詩更妙，揮毫幾度畫檐巡。

雪

真箇紅塵一點無
何分雲路與泥塗
碧翁學得壺公術
又送乾坤到玉壺

風箏

靜坐聽風箏中覺多
春聲春聲恰與秋聲別
秋聲激烈春和平
倘倚春聲鳴得意
斷絲亦有飄零勢
一落千丈變秋聲
萬里青雲難再致

柳錢

東風吹長翠條肥
挂向長林靜落暉
帶雨低垂嘶馬路
臨池斜拂釣魚磯
似知時節成春服
最感韶光是布衣

游子不忘慈母手樹猶如此意依依

柳絮

楊枝辭去日紛紛捲入晴空迴不羣清白一生才詠雪
升沈萬態世浮雲蘆花別派多秋氣吉貝成材獨異勳
飄蕩江湖殊未惡春愁幾斛賴平分

乙卯春入泮

廿三歲月悔偷閒始著青衫轉汗顏掇得芹香如燕子
高飛不出畫梁閒

筆花夢逐病中開榜出終輸第一才

臨場日子病疹羽
榜發列第二名翻

被品題書卷氣衡文親見狀元來

張子青修撰爲學使
批子卷云有書卷氣

一領青衫脫更難
龍門高聳限孤寒
何時金殿書三策
再博高堂白髮歡

綺席連朝宴客頻
重闈有喜倍精神
秀才憂樂心難盡

畏友相期學古人

乃齋贈詩云未得秀才時都說秀才好既得秀才時又覺秀才小豈知先

憂後樂懷充以天下始能了云云

張仿蘇丁荔軒周少蓮諸同學均未入泮賦此慰

之

同學諸君盡少年
小窗鐵硯欲磨穿
苦吟酣醉情無限
雌伏雄飛境偶然
捷足人猶潛白屋
埋頭我早厭青氈
登高相約梯雲共
名向凌煙閣上傳

贈張薰齋明經

陶經

張緒風流快識荆，笑談緣似結三生。
秋鐙照案惟經史，夜雨聯牀有弟兄。
作客猶殷留客意，說詩便欲訂詩盟。
尋常白眼儂還慣，杵臼論交念已傾。

讀家翰臣兄抱甕吟

抱甕耽吟效楚囚，漢陰遺意費推求。
同聲同氣君長往，機器機心我亦愁。
閉戶終因遭順境，讀書何又慕封侯。
索居未免關心甚，安得壘簾再唱酬。

辛壬兩年兄任
予宅倡和頗多

卽事

閒中覓趣卽神仙，倚坐吟窗手斷編。
過是無心都易改。

詩非有味不能傳放懷天地聊隨遇託足田園莫乞憐
賸得蟠胸青史在千秋一瞬亦徒然

書懷

局促驂駒百計非恩恩節序早涼歸近來意恰如鷹隼
一起秋風想奮飛

聞客談勦賊事

劫滿江鄉一炬紅同仇到處震彎弓英雄血自鍾靈氣
婦女頭偏冒戰功玉壘募軍仍鎮靜金陵選將總和衷
勤王猛士誰稱最爭怪當年賦大風

秋郊晚眺

天高夕陽淡風聚草木翻薄暮遙相望秋色滿平原我
意與之遠行行返舊軒盈虛悟妙理聊以忘塵喧

菊花

陶令千秋去東籬久寂寥誰知相愛者猶自在今朝壁
已紅箋滿盆兼綠酒澆斜陽橫瘦影亦欲學清超

冬曉

窗帶殘星樹噪烏清寒漸逼夢魂蘇披衣擁坐呼童問
似昨霜花有也無

西施

五湖煙水寄生涯一炬姑蘇何處家薄命不如效顰女

村東到老浣溪紗

王媵

妙計潛將女禍移不教天子誤蛾眉漢家慣待功臣薄
爲靖邊塵殺畫師

戍婦

聽說邊寒早征衣度短長無因驚綫斷不覺費思量

商婦

重利輕別離無異黃鸝寡亦解弄琵琶誰是白司馬

織婦

一匹流黃色寒窗絕苦辛郎貪新樣好偏愛織縑人

浣婦

瘦影耐春愁
溪紗浣未休
楊花輕薄甚
只解上朱樓

題畫

伯樂相馬

冀北羣空一顧過
增將聲價豈傳訛
誰知伯樂生前日
淚下鹽車已許多

蘇武牧羊

顯名豈較衛青殊
麟閣酬庸豔畫圖
漢代功臣兩奇絕
牧豬奴與牧羊奴

周蓮湖師命作圯上受書
勝下受辱兩題各賦一

首

荆劍高筑鈍無比秦國皇帝遂稱始快哉一椎博浪沙
擊中副車亦可喜大索十日竟不得神龍幾致祖龍死
世外人惜王佐才思挽雄豪研妙理虎欲搏人勢若蹲
鷹將攫物神先弭禍蓄咸陽三日焚機須泗上大風啟
橋旁邂逅試諸艱怒以失期呼進履挫折頻加意不驚
未授書先授大旨此老不知何許人鬚眉俱古仙風起
此書不識如何言一卷逃出秦火裏果然得書用弗窮
氣度委蛇海內靡從權躡足封齊王侍宴抽身脫楚壘
封留更修辟穀方報韓心事今畢矣容如婦人助者誰

赤帝子與赤松子

淮陰風莽淮波碧國士當年正落魄
陡逢市井惡少年俯首穿胯復何惜
市中俗目笑且驚少年揚揚亦自得
豈知生平韜略奇盡在無言此頃刻
忽焉推轂遇漢高斗大金印懸肘側
偶思舊事召少年少年頓失驕人色
丈夫釋憾杯酒閒不加斧鉞加官職
漂母飯亦千金償恩仇一例歸報德
淮陰器量實過人惜哉功名不可極
隆準鴻溝逐鹿亡娥姁鐘室烹狗急
君不見城下養可衣漂母飯可食
功成返釣臺神龍誰敢測胡爲不死戰
爭死太平荒祠千載陰雲黑韓侯泉路可無悲
男兒所

重只顯績吁嗟乎今時榜下豈無人不到登壇人不識
蓮湖師解館歸呈排律百韻

立雪程門久恩恩倏遠離鍾情惟我輩惜別是吾師學
白淵源溯功從砥礪追精微真授受臭味不差池四載
欣叨益三生實集禧那堪南浦送况值北風吹意恨難
言矣緣慳信有之談心曾藹若揮手益淒其離緒慵拈
管哀音恍聽絲願安承教意鬱作寫懷詩歷述先生事
都從此日思濂溪門第舊茲國里居宜年少耽經學才
多負異姿望推龍見首名慕豹留皮豈有門如市曾無
地立錐金萱榮孝母玉樹茂佳兒報國教持戟敦倫悵

斷篋接人容侃侃交友意惇惇戚里瞻高誼儒林仰令儀讀書操志苦排難仗心慈狷介希原憲溫和比趙衰數椽營破屋十載下寒帷趣味搜千卷聲名噪一時採芹香獨占折桂命偏遲設帳非餽口談經慣解頤小巫多駭服大匠著成規腹笥深沈理心花絕妙詞槐忙闌丙筆梅訪嶺頭枝環轍歸來任書窗奮勉爲江山聞見廣史冊古今推閱歷逾彈指吟哦獨撚髭耕田三畝樂教子一經遺自愛賢關靜何知世俗滴居貧非是病履險總如夷白屋閒無賴青氈費不糜弋陽甘適館學舍得專司教學因緣合師生聚會期執經剛託足請益更

揚眉憶我爲文早無端遇路歧雕蟲慚技拙畫虎受人
嗤燒尾難登鯉埋頭歎伏雌末由探奧義何敢恃天資
妙諦詮難盡迷津指是誰芸編雖意切藻榜詎名垂陡
入春風坐頻沾化雨滋思常防鵠射陰益懷駒馳造詣
非如彼文章果在茲學貪攻木久術讓點金奇孤詣鐙
前課情懷海上移準繩心最戀趨步力都疲相士誇毛
遂逢人說項斯詩書專寢饋情性養融怡句改珠璣綴
言工藥石醫推尋窮墨海期許指雲逵美玉經雕琢良
材賴護持因能求簡策始得引鍼磁韋看三編絕山愁
一篋虧心裁能獨運手製不停披榮樹門前李香薰室

裏芝偶成完璧妙幸未半塗危玉尺量初定金根謬已
辭贊揚夸客徧博約誘人隨小試功應見偏才遇屢奇
鴻儀思遠舉豹管待全窺雲路長千里風檐短寸曦功
名疑有耀文卷喜無疵真識當場少微名列榜卑栽培
原厚望挫折近偏私材屈幾如蠖時艱莫問龜遭逢酸
鼻說學業苦心知忽爾榮登錄居然捷報旗青衿看乍
著絳帳喜難支鵬健思飛海雞廉比在峙寸心惟有感
巨眼果非欺士異皮毛相情從肺腑施傳薪還豔摘走
筆總花摘遇合剛佳話離愁忽歎咨功成身便退才大
足難羈蝸舍猶傳譽鱣堂已植基風塵行自苦蓬島上

何疑但祝聲華盛兼增福履綬姑蘇遊畫鷁燕趙盼歌

驪

帥欲南遊江蘇北抵都門

志奮溟南鳥賢符渭北罷高風人景慕

舊祖我追維清蔭猶思樾微情永向葵宦情從此遂別

緒奈難麾夢寐同風雨江湖各旅羈名終由奮勉世本

辨妍媸畿輔徵麟鳳戎行效虎貔

予將此戎

專心榮紫綬學

步近丹墀果畫功臣閣終酬漂母祠不忘函丈聚猶念

誨言貽刪改餘文字珍藏勝鼎彝躬行遵昔訓力薄剩

長噫往事都成憶今朝莫止悲琴書輝頓減花月影空

篩再見何從訂思留轉覺癡傷情誰共諒感義本無涯

言志調琴譜紓懷把酒卮多年相契合惟有可銘肌

家居無聊有從軍志婦贊其行嘉之以詩

亦解懷安敗令名齊姜未足擅賢聲處囊久欲伸毛遂
抱柱何能困尾生攻楚寇矜封豕突去虞客感伏雌烹
成功歸日終偕隱莫管樓前翠柳橫

季眉外舅之僕孫榮來光州

一身萍梗尚難謀相遇翻憐汝白頭賸有西江詩卷在

鈔胥筆力肖銀鉤

孫榮
工書

東郊禿柳朔風酸瘦骨長途耐歲寒多少人才如穎士
不辭投我歷艱難

江漢屯營戰馬粗軍門客正獻兵書冬宵挈汝同行去

抵得隨身一劍無

蓮湖師設布肆布爲人攫去率賦

抱布詩吟俗不嫌攫金客至恨重添
頽風遠遜成都市容得君平賣卜簾

盜牛遺劍日紛忙誰作人閒王彥方
我是孔門由鼓瑟要憑殺伐靖邊疆

書齋題壁

骨肉情何戀飄然事遠征烽烟千里
合雨雪一身行有志成終易無言去
自輕他年馳露布誰復笑書生

仿潛齋詩鈔卷二

光州 李嘉樂 憲之

從軍集

乙卯臘日南遊留別里中諸友

羽檄紛飛勢未停，狼烽遮斷楚山青。
廿年膽氣憑書鍊，五嶺蠻烟帶血腥。
人笑不祥金躍冶，我慚入夢筆通靈。
傳名休羨登科記，指點燕然舊石銘。

讀罷陰符幾歎嗟，肯將詩酒了生涯。
風塵宛轉磨奇骨，歲月奔馳付落花。
困我何嘗非砥礪，勝人端不在豪華。
青衫陡覺吟魂健，天海蒼茫別路賒。

溫飽緣慳覓賞音鄉園揮盡別愁深無才莫讀凌雲賦
有日終成破浪心身後豹皮留百世眼前馬骨值千金
風濤好擊中流楫那在酣眠與苦吟

一飯人情亦是恩淮陰落拓舊王孫隨身雨雪途千里
匝地風烟酒滿樽到處寒心猶我幸留將熱血向誰溫
笑他苦借神仙枕僅覓邯鄲好夢魂

抵固陵

樹點鴉疑葉風吹雪作花學書仍故我客感又天涯路
記離鄉况村餘賣酒家固陵驚歲晚莫便駐征車

謁鄂王廟題壁

三載重瞻廟貌崇前詩仍少碧紗籠默祈佑我償奢願
功與公同遇不同

東內兄吳夢坪慶五昆仲卽以誌別

回首西江筆硯傳自慚蘇季敝貂裘事經失意心還壯
境到依人品未優短劍共嘗塵海味濁醪難破醉鄉愁
可知阮籍非英物只遇途窮淚便流

謁岳母吳孺人墓

馬鬣經年薛蝕碑豫章感舊涕漣洏最憐嫁女傷心日
追想銜恩卅角時遊子衣寒鍼線迹荒墳草併雨風悲
淚痕滴溼松根土愧賦英雄報德詩

擬唐人出塞行

黃雲鋪地青天高紅旗漫霜凍不搖思家征夫一回首
塵沙遮斷萬里橋萬里橋頭烽火起蔓草連天中嘯鬼
嫖姚令嚴天地驚男兒重名輕生死并刀斫折鐵甲寒
前軍昨夜戰陰山飲馬長城血滿窟防秋古戍年復年
火伴相依羈冀北遼陽無夢回鄉國劍明春拂塞花紅
弓勁夜彎邊月白束髮從軍興如何浩氣掀翻黑水波
仰天大笑拋家去胸中熱血相盪摩轉瞬健兒今已老
塞上春遲秋寒早刁斗無聲野幕閒授衣難禦霜風曉
敵人乘勢用技長臨洮轉戰都淒惶壯士征袍瘡已裹

將軍擊鼓音未央玉旗牙帳落日暮倉皇黑夜關山路
那堪極目望長安邊柳蕭條不知處

贈吳正齋

繩曾

茂才

丰姿玉樹種蓬萊記向風檐覲面來相別幾年成博學
更欽仲氏亦通材園林半畝春鐙豔花月三生大雅才
詩謎連宵歡笑語雲箋倡和不須催

霸王臺

臺在固始縣城東南隅

霸王臺上春草蔽霸王臺下春波逝祇今血漬戰場乾
剩水殘山踞形勢叱咤神威蓋世無壯心出入風雲際
破秦起自上將軍登壁諸侯相退避甘把奇謀黜范增

翻將大度容劉季，坐看失鹿難再還。
倚角韓彭時不利，渡到烏江水咽聲。
霸才都合天亡例，頭顱一擲楚雲空。
名馬美人齊下淚，僥倖傳名紀信祠。
成全辟穀張良志，菹醢功臣恣暴虐。
猶覺重瞳賢赤帝，坏土登臨弔古來。
東風吹短英雄氣，君不見漢家陵寢亦荒圯。
豈有天心終勿替。

麻城道中

單車遙指鄂王城，躑躅長途聽楚聲。
野樹媚人沈雨氣，村醪酣我釣詩情。
灘迎馬足沙微語，路截山腰石怒生。
嘗遍艱難客中味，芒屨何日結鷗盟。

登東界嶺最高處

高嶺挺天立迎客儼含笑連朝旋蟻行山名孰考校征
輪曳索遲奇峯互引導罡風肅衣衫松濤響萬竅危石
欹壓頂深澗何窅窳陰壑螿蛟龍中谷潛虎豹努力陟
其巔此身落邊徼界畫豫楚間天意殊微妙絕塵峙古
祠上有風雷繞俯視平原廣渺茫森落照南望流賊氛
江鄉急攻剽半壁障中原孰控雄關峭吁嗟險阻地頻
年甘揖盜書生籌策迂欲向山靈告相看蠟屐遊還慮
移文請放眼天宇空雲端發清嘯

抵漢陽軍營呈李鶴人廉訪

靈鍾嵩洛德星聯名世常生五百年涑水相公功久著
湯陰少保節彌堅棟梁昔已堪僂指桑梓今誰可比肩
循吏蓋臣書並美紅樵方伯史宓傳

公更行軍善運籌輕裘真不愧箕裘文章年少英華斂
忠孝名高福澤優倚馬定揮新露布憐才便擬古王侯
關情鄉里無多祝終始成全第一流

中原酣戰爽英姿威震南邦十萬師功業成仍需指臂
書生弱總具鬚眉談兵喜拔連茅茹好客同看脫穎錐
墨汁頻傾漢江水此來爲寫凱歌詩

春來小草盡知春大樹名標更可親處士偶談天下事

粗才難備幕中賓身餘七尺酬知己胸抱千秋恥負人
從古青雲都附驥敢希投筆樣翻新

弔奇女李奉貞陣亡八絕

奉貞豫之唐縣人幼穎悟精易傳三十不字奉
母守貞丙辰春李廉帥督師漢陽聞其名檄其
嫡兄恒本挈之來營翼有裨於軍事三月十二
日奉貞謂旗幟用黑色城當下竟不果眾咸非
笑之實旗幟未能悉易非奉貞咎也而奉貞甚
愧憤請自將以贖次日乘昏夜方半提雙劍單
騎薄城下從卒不至猝遇賊斃三人賊死戰遂

被害於西門橋轡割其屍土人憐而求於賊收
瘞之校場廉帥憫其歿於王事爲請諸節帥官

公將表於朝並立祠焉

春閨夢墮楚江寒卅載韶華付指彈莫道紅顏命原薄
裹尸贏得一登壇

板屋詩吟敵愾多天垂星象兆如何

戰時見大星如盤陸於城頭

蔡

州雪夜攻城急知否家傳舊枕戈

請劍孤懷邁請纓忠貞氣概自分明功成一戰非難事
倉猝時無節制兵

平原月黑擁旌旂百萬軍中夜合圍痛絕高堂攜小妹

倚閭猶望女郎歸

雲屯賊騎據雄關塵劫無情委珮環太息伯牙臺畔路
只餘戰馬是生還

廟貌行看美奐輪仙姑山麓證前因

奉貞至營卽居於仙姑山

幽魂

月夜頻來往知是南陽是漢濱

卦畫先天判太初千秋絕學問誰如奇勲未建真傳杳
恨不救臺早著書

舊事揮毫慘不支女亡時正我來時澄清自是多同志
那管侯封夢早遲

夜坐書懷呈李廉帥

嗚嗚畫角月華明
鐙裏寒光夢未成
似我疎狂容寄寓
感公位置費經營
乍驚刁斗軍聲壯
肯把詩書結習更
幕府竟教爲屢廈
歡顏豈止一儒生

呈方友石夫子

玉潤

滇池萬里臥雲身
戎馬新增立雪因
著述才高餘恨事
英雄命蹇作詞人
瑯環熟讀三千卷
湖海狂遊四十春
老漢終逢孫伯樂
倚容附尾亦精神

辯蠅奇氣例工愁
何日乾坤浩劫休
莫道公卿宜晚達
最難草澤抱時憂
劉蕡下第名終古
杜牧談兵志九州

著就龍韜還自晦

師普有神機八畧
反平賊二十四策

晴川閣外陣雲稠

鴻濛一卷括生平中有光芒萬丈橫文蓄經綸銷俠氣

詩鳴山水鑄秋聲陶情偶作真真喚

鴻濛室集中
載有春夢詞

悟道

纔稱幻幻名

師自號
幻幻子

獨剩壯心消不盡大江南北祖鞭

征

劍光拂拂指荆吳細柳營開隻手扶身後名應傳絕代
眼前事未算窮途蛟龍得水神方王鷹隼盤空影不孤
憂樂肯將天下任近時有此秀才無

喜梅卿兄至營

嘉熙

撲面風沙劍影橫營門握手喜還驚誰甘局促居鄉里
何幸狂遊得弟兄零落江山增一個縱橫戈馬起諸生

淒然楚雨聯牀夢漫指蕭郎作騎兵

登五里堆觀戰

陣雲黯淡陰風起火礮轟雷聲不止誰使書生殺賊來
吾戴吾頭刁光裏漢陽歷歷樹密遮賊隱女牆施鉛子
壯士攻堅多帶傷旋踵輒復來抄尾我亦伏兵待彼追
軍令如山血如水三堵牆矜擊刺飛六花陣用陰符詭
成敗從來呼吸閒折首難攜惟馘耳紅巾金額尸纍纍
匪我手刃皆可喜賊據堅城列火器但與野戰毋近壘
聚而殲旃定有時奇計熟籌下一矢歸營奏凱錄斯功
蓐食潛師誓滅此半夜傳呼賊劫營又看游魂來送死

贈梁茹山少尉

難得知幾去異鄉花門禍起定蒼黃
滇南雲樹新詩稿
楚北烽烟古戰場
養志君將歸故里
驚心我亦有高堂
征鞭且復斯須住
看縛蠻酋草捷章

茹山以前詩呈廉帥蒙依韻賜和中有名士自來
推洛社男兒原不怕沙場之句因疊韻以謝

賓至如歸卽故鄉
韜鈴一例注丹黃
公曾手拔單寒士
我本身輕百戰場
筆陣羞爲彈鋏調
戟門借作讀書堂
詞宗將略都推重
勉獻蛩吟作報章

贈蕭子佩

瑞深

孝廉

涼宵共話屢挑鐙聲氣相同感慨增

子佩在營與予相得

別有傷

心人不解飛而食肉客無能沙黃帳角塵三斛燐碧牀
頭酒一升轉眼龍門魚跋浪功名何用羨揚鷹

觀奕

兩人智力果誰優爛到樵柯著未休將相經營全局動
河山戰鬪半枰收方知賭墅通兵法賴有觀場悟敵謀
勝固欣然敗亦喜東坡終遜積薪籌

軍中雜詠

築營

萬杵登登響周陞列短牆牙兵嚴細柳羽獵抵長楊嶠

負威生虎藩開敵作羊深溝高壘意莫便臥沙場

營制
搆鉞

鑽雖一夕必取土築壘自衛如牆
高五尺則濠深五尺合計成一丈

口號

兩字相呼應逢人善詰姦誤書誰舉燭禦暴此爲關改
調隨朝暮同聲互往還屬垣當有耳鄭重令如山

中軍
夜領

二字爲口號如此舉得字彼應
勝字卽是我軍否則爲姦細矣

巡牆

竟夜循牆走分曹各唱籌雜人官略似虎子穴難搜舉
火兵休戲乘堙客亦愁天呀聲始歇辛苦過庚郵

每十
堞用

二人此呼令到彼應接
令人有迭更法無暫歇

帥旗

帥字旗高颶縱橫二丈寬螯弧新破陣虎帳重登壇健

將軍前舞諸侯壁上觀敵來休拔幟黃色稟難干

賊借
用黃

旗我軍咸用他色
爲別而帥旗獨黃

放黑卡

兵法攻無備潛師每夜征馬牛滑地勢鵝鴨雜軍聲途

遇弦高伺宵呵李廣行誰如寄奴勇獨戰氣縱橫

距營
稍遠

駐軍要隘
防賊夜襲

長髮探

知彼方能勝如開告密途本來黔首輩忽效赤眉徒髮

笑吳人短魂愁晉市蘇亦防資敵用魯柝近聞知

軍養謀者

今蓄髮俾混入賊中亦恐賊誘用之

梅花椿

如花攢五瓣木衆亦能支窺閣遭行馬探珠怯睡驪夜

驚鈴索響晝阻玉鞭馳溝限踰三刻逢茲定覺疑

管外埋椿

如梅花式防衝突賊夜至則鈴索有聲得爲備

龍鬚濠

礮聲繁似雨濠勢曲如龍道濟城將壞臨淮地可容猓

升無定向鷓鴣善藏蹤變化神難測終當靖夜烽

通賊壘曲

折擱長濠名龍鬚伏其中速進賊施礮不能中

贈周和庭公子

馬蹄蹴碎秦關月雁影飄殘漢水雲

和庭原句

俠客偏能誇

妙句詞人自昔愛從軍伊涼曲唱邊聲冷

和庭尊人曾爲甘肅協鎮

筆硯交宜大雅羣喜看將家裝束異腰橫寶劍煥星文

聽和庭談往歲征西番事

吹徹胡笳甲帳寒西戎埽罷卸雕鞍酒酣快吐平生事
笑解征袍指戰瘢

琴灘口晚眺

戍鼓聲淒暮日沈秋郊晚景極蕭森荒江雲擁樓船影
殘壘風嘶戰馬音髀裏肉生悲淚墮眼前皮相客愁侵

漢南泣柳猶如此爭怪臨岐感慨深

梅卿兄鑄印章爲擬隴西布衣流落楚漢二語兄

賞其真切賦贈

傳人在昔布衣尊尺地揚眉薛下門斯世青萍終長價
當年仙李亦同根吾家何日貂盈座彼衆如雲蝨處禪
一樣天涯流落感差欣古誼雁行敦

偶成

不問羊頭與虎頭但須時至總封侯未知古法書難用
相詬儒生筮錯籌鸞鳳何緣棲枳棘貂蟬自昔出兜鍪
萬人敵似關張勇定鼎還推第一流

萬乃齋書來謂予衣冠弊陋言語談諧久在外恐
蹈玩世不恭之咎良友箴規意殊可感賦此以
誌吾過且告之悔

夏禹惡衣服致美在黻冕臣朔喜談諧誦諫陪翠輦賤
子繫何人乃敢餘風染三浣殊體榮萬言覺腹儉敝貂
困遨遊捫蝨干貴顯皮相態可憎喉司語非典不見挾
策人英才肯自貶裾屐擅風流詩書供辭辯悅目兼娛
耳互將官派演胡爲笑其誣翻議瑕不掩視之若蜉蝣
待之以儀衍人各有不能已亦將不免吾友在遠方馳
書加勸勉幡然悟昨非誓充局量福君子有威儀昔賢

貴實踐十丈塵將緇三寸舌可捲不河漢斯言積習庶
能轉此意非務華此情豈教詔虜衣新法姦歇後宰相
選千載肆譏彈九泉留愧忝衣服與語言亦有中正範
章身勿豪奢措詞勿柔輒舉手謝良朋益我誠非淺一
振青衫新三復白圭玷

秋夜書感

脫卻青袍服短衣封侯事渺願猶癡陰符有悟輕科第
史冊無名負亂離塵市馬周杯獨酌高樓王粲賦誰知
哀鴻驚斷還鄉夢此亦聞雞起舞時

寰區浩劫哭蒼生况抱離人宛轉情骨肉竟教三地隔

干戈難定幾年平
毛錐失勢毫端禿
金印逢時肘後輕
百斛愁懷無寄處
西風捲樹嘯秋聲

飄然蹤跡落江湖
刁斗聲中膽氣麤
事總違心歸命數
胸無餘念到妻孥
山河局變懷偏壯
戈馬緣深影自孤
蒼莽雲天時俯仰
英雄淚不灑窮途

投筆從戎志未伸
書囊劍匣日相親
天心未欲平斯世
我輩何從著此身
蟲臂區區徒得失
虬髯奕奕想精神
他年位置風雲裏
知是當場第幾人

游勇歎

古無曠土無游民
今之游者乃在營
性生強悍難約束

既非盜賊亦非兵盜藪兵家兩不受特以游勇著其名
千百成羣投幕府王者麾之不肯行竊踞民房爲細柳
民安能辨屨與真日索雞豚爲供膳夜抽檣桷作炊薪
小民豈不憎賊患賊過未若今年貧憤極每思籲大府
虎視眈眈孰敢櫻彼亦有時整其旅隨官兵後攻賊城
勝可乘機得輜重否則歸來叩柴荆大言我仍爲汝守
賊不敢到家奚傾附骨之疽胡至此野老欲哭還吞聲
文告煌煌塗朱墨虛聲驅逐非嚴刑殘黎翻覺賊易飽
此輩谿壑難取盈頗似牙門有白役坐令流毒過黃巾
詩成掩卷長太息蒼天一醉何時醒

再贈蕭子佩

他鄉飄泊君如我，早歲科名我愧君。
何事千人五斗米，同來弔古一江雲。
登壇慷慨黃金鉞，捉麈風流白練裙。
誰識書生真面目，不須秃筆掃千軍。

君居沔陽仙桃鎮
記被賊事甚悉

和李廉帥弔羅羅山方伯殉難原韻

吁嗟乎天待英雄一何酷，英雄報國一何速。
英雄者誰羅羅山，食餽授徒儕庸碌。
賊逼長沙野，哭酸激起貧儒忠。
義肝湘鄉練卒稱，湘勇親舉刀矛馬上盤。
學究崇朝變，豪傑草檄何用簪。
花格融會經義作，韜鈴堅忍性情擊。
狂賊賊狂乃懾羅軍名二百餘戰，吳楚驚草貢殲賊。

賊盡死湖湘救民民更生奇功直達天高處苜蓿盤進
紫薇署感激深恩氣益豪沙場本少生還路纔把巴陵
毒燄摧又從江夏鏖戰回千軍迅走千里遠色赤如火
聲如雷子弟門生身手捷投筆便能高攀堞凱唱歸營
意態間數十人侍琴書側同心滅賊佩軍符賊聞膽落
戒其徒不覆羅軍難望活收合餘燼振臂呼前夜大星
隕在此火礮連珠橫十里幾至夫差獲國書恨無秀寶
擊宋泚丈夫報國甘死傷但恨漢江遺虎狼臥牀絕筆
猶論學絳帳風悲總帳涼歸隱蝸廬原素志裏尸馬革
亦常事掇甲哀呼軍復仇舉杯相賀賊得意大吏飛章

到都中

九重曾鑒國士風飾終典禮定優等哀榮不與尋常同
追思村塾罹憂患方信士窮節乃見我亦青衫正卽戎
偷生心愧如生面

附廉帥原作

嗚呼天未厭亂天亦酷何乃喪我羅山速羅山起自
湘水聞仗劍從戎非碌碌書生面目本寒酸道義心
腸鐵石肝奇謀小試葫蘆谷天祿初餐苜蓿盤豈知
時會屬英傑戰功原不拘資格半壁山前奏凱還一

萬六千新死賊天語褒嘉四字名

加葉普鏗
額勇號

名聞天

下萬人驚婦孺延頸呼先救草木回陽感再生
纔拜承恩處冠服儼然到薇署豫章竹箭借威聲
渚烽烟莽歸路匹馬來援戰必摧梅林春意一時回
宵衝堅壘乘瘴霧暮入層城起凍雷一戰再戰戰皆
捷只賸孤城千百堞賊料羅軍不可當突出奇師擊
旁側灑上軍門換羽符踰溝奪塹喪師徒正看夾矢
紛然走何幸援袍奮袂呼羅軍在此胡爲爾轉瞬返
奔十餘里那知下策用火攻卻見將軍顙有泚血流
被面諱言傷猶挽琫戈射猛狼風摧鐵甲重圍透雨
濺生綃戰血涼卽此便成殉國志一死了將軍國事

果然賊非公不滅生之死之天何意噩語傳來百感
中縞衣士卒哭東風奏聞

天子當停膳祠祭哀榮定不同嗟我與君共憂患一
死一生交乃見呼送不及當奈何他年麟閣晤公面

贈褚繼良

銘

創製戈船利君家叔不癡國殤含笑日

令叔一帆觀寨
創水師旋戰沒

生計養親時書畫揮雙管芝蘭茁一枝對牀風雨夜奚

用悵臨歧

同余住
一帳房

營門外觀出隊

半夜聽傳令黎明慄出師晴暉穿壁壘曙色照旌旗坎

坎征輦動蕭蕭畫角吹作威爭距躍蓄力戒奔馳後勁
催單騎前驅擇健兒隘成三覆待陣布兩甄奇賊恃堅
城蔽兵愁曠日持六鈞齊決拾一鼓誓登陣勢蹙開門
拒身輕斷布危戈矛慘殺戮礮火裹瘡痍昏黑霧塵上
朱殷戰血嘶勇都矜鬪鼠卜不問焦龜橫擊樓船駛旁
撓鐵騎追鸚鵡圍四合狐兔勢分披窮寇颺驚雉中軍
臥老羆獻功英俊輩致果盛明時紀實酬勲簿騰歡奏
捷卮爵羞羊胃爛眾服虎頭癡補闕還蒐乘防奸永來
鉞自慚無史筆鉅鹿敘交綏

前弔奇女八絕句意有未盡再賦長歌

南陽武侯之故址盡瘁疆場死後已遺法所傳得者誰
二千餘年歸烈女女之學兮未易知女之志兮先自矢
垂髫便已識天文年長更復通易理藉此行軍日講求
運用妙在寸心裏使竟奉母閒幽居誰信巾幗能若此
楚北妖氛正用師女也聞之投袂起有妹識時欲留行
乃云時兮能有幾木蘭代父女從兄孝友皆忠之根柢
靜可不字三十年動可從軍二千里所聞請纓慷慨情
早將兒女態一洗况施智勇勵奇兵殺賊擒王易易耳
只恨漢水繞方城據之更復溝與壘匆匆接戰不成功
夜襲堅城走如駛桃花馬上作前驅健兒覩焉盡愧恥

拔劍當前擲雪光
火攻下策賊何恃
孰料功猶未建
困重圍一縷芳魂隨逝水
風淒月慘陣雲愁
天亦似惜斯人矣
此役倘能入蔡州
長江便作衽席履
迎刃直下趨金陵
露布定能書千紙
凌烟閣先畫美人背
水軍應呼娘子奈何謀
在人兮成在天
頓令全忠全孝之人倏忽死
始也爲女悲繼也爲女喜
閨中命薄亦多多
太山之重誰能比
官建祠士作誄
持戟軍尚哭
紅顏載筆人還書
青史我知其千秋
萬世永相傳
名則奉貞姓則李

得家書知 祖父下世內子亦於前三日殂謝口

占誌痛

尺書纔到淚千行
負卻封侯夢一場
白髮紅顏同寂寂
黃泉碧落兩茫茫
喬泣硯徒追遠
潘岳栽花亦悼亡
壯志依然方寸亂
竟無奇計不還鄉

留別同幕諸友

題襟詞客共翩翩
漢上萍蹤恰半年
此會世閒能有幾
諸君詩外更無緣
秋風痛哭家多難
烈士長歌各異天
黃鶴樓頭舊時月
照人偏向別離圓

片帆飛渡楚江空
行李蕭然感寸衷
別派誰饒湖海氣
狂遊人散馬牛風
羞歸臣里尋黃石
恨擁孫枝泣碧桐
纔悟天將文字忌
也如夢境厄侯封

遙望伯牙臺感詠

高山流水古今超一曲琴聲久寂寥
莫向風塵覓知己伯牙臺上草蕭蕭

曉渡襄河

曉色淒涼旅夢驚客心容易感秋生
雲含水氣無邊際石漱江流有恨聲
沙渚舟輕愁共載漢陽樹渺月低橫
遭家自是關天意莫把吳鉤訴不平

途遇投効未錄者有感

一般淪落在天涯嗟爾窮途亦自嗟
未到百年終報國不煩再計但歸家
回頭漸覺依劉愧喜色何來御李誇

指點淮西黃土壁開軒猶可話桑麻

步行至宋埠與僕李貴相失乃覓肩輿南旋

奴肩行李與吾偕失路關山命自乖他日若尋鴻爪印
隻身楚嶺走芒屨

猶幸腰纏略有餘半途始坐小籃輿形容驚黑足重繭
磨礪蘇秦苦讀書

道中見吾鄉流民南行

乞食江濱去家資一杖挑青天呼有淚赤地旱無苗飢
歲憐鄉里殊恩仰

聖朝敢云憂樂志吾正學吹簫

抵里門

我生廿四齡還家凡三次隨母冀北歸從父江西至吾
祖鍾愛深小住輒復逝最後隻身來畢姻兼應試鄉曲
五載羈絕裾從軍事赴告掩淚奔還家此其四到門楮
尚懸升堂棺猶置一慟念含飴終身當雪涕家索蓋有
由祖德非中替音容不可追况少焚黃祭嗟嗟我父母
宦蹤豫章滯凶耗終得達呼號誰相慰感此臥空房雨
泣不能寐妻沒難返魂兒瞥惜英器一一愴中懷運蹇
竟莫避淒然兒女情短盡英雄氣

悼亡

風雪深宵賦遠征回思永訣不分明人真太懦偏能死
我若相依或可生購藥囊空心緒苦嫁衣箱漬淚斑橫
匆匆悔作從軍計一事無成反誤卿

磨折多端遇孽因心機禦侮不如人調羹諳味猶嫌拙
壓綫終年豈爲貧夢短歷思三載事兒孤曾累九泉身
垂危纔得逢阿母前此誰堪舉目親

與家鶴仙叔翰臣兄再赴漢陽大營

一家奇氣頗超羣馬上聯翩望楚氛世守詩書偏好武
人逢離亂愛從軍累觴醉別淮陰市佩劍光搖漢水雲
絮語客中忘寂寞鞭絲指處已斜曛

岐亭小憩

大江東去黯平蕪野店停驂酒自沽滿眼青山紅樹影
天描秋景媚征夫

豪情不遇方山子琴劍蕭然又此行楚澤吟成詩一卷
青衫依舊未知名

宿茅棚下游勇甚多恐喪其馬枕轡而眠戲作

茅舍三間燈一穗往來暴客非吾類跋涉途窮僕亦痛
腹飢且下連錢騎夜行亦復蹈危機買得村醪不敢醉
頓悟迫人居未安豈惟失馬禍難避無可奈何氣轉豪
既枕長戈兼枕轡問好頭顱斫者誰姑拌性命爲游戲

臥聽槽畔鬻芻聲欲睡終宵不成睡榻側磨牙伺虎狼
夢中鹽腦逢魑魅雜聲三唱客徐行僥倖昨宵無箇事
何日還山放膽眠菊花枕倚蘆花被

琴灘口謁友石師時養疴舟中

藥竈茶鐺聚一舟著書人抱采薪憂何期立雪青衫冷
又侍扶風絳帳秋身是臥龍終破壁神如病鶴靜臨流
挂帆我欲尋親去還爲成連更少留

擬赴江西省親道爲賊梗仍返光州

父寄金陵虎帳栖母將弟妹寓瀘溪塗交亂骨當車轍
夢雜驚魂震鼓鼙相望無書鴻雁斷欲行不得鷓鴣啼

天涯曠有還鄉路風雪蒼茫一劍低

所乘馬爲北產連日登山遂至虺隤牽之以行

遷地弗良真可哀連朝我馬陟崔嵬何當刻盡羣山去
萬里平沙道路開

精神骨相最權奇反讓駑駘偶一馳用果違才空駕馭
高峯立馬竟多時

飛行絕迹比雲騰何至逢山不敢登笑爾天生千里足
也須閱歷出才能

到家

我有省親願神客一帆風不登滕王閣仍返儒者宮入

門驚異事父母立庭中弟妹聞我來出戶凝雙瞳倉卒
頗疑夢階下斜陽紅云從閒道走幾至遇賊蹤我母止
我拜語次淚滴胸今夕是何夕全家骨肉逢

我拜辭未畢我父顧之嗔既不侍乃祖亦未省所生奈
何舍素業遠遊漢江濱家居固鬱鬱究何足重輕從軍
最險阻鋒鏑易喪身讀書不思孝一旦忘其親何以重
禋祀何以奮科名怒極施鞭撻欲辯不敢伸但云悟今
是迷途返其真

父云我偶歸不知遭大故官事尚未了仍踏豫章路支
持爾門庭溫習爾章句我亦體親心如約慎趨步晚侍

堂上餐一家色歡豫回頭戈馬叢險夷真殊趣棄劍復
學書更番失所據要於帖括場熟游堪道故李廣不封
侯一誤休再誤

聞武漢同日克復喜賦

賊憑江水繞方城死士終年苦戰爭夜奪崑崙開盛讌
雪擒元濟壯先聲餘威震動金陵路舊夢迷離細柳營
我輯從軍詩一集也應抵得薦章榮

昨如未返漢陽游略進官階願可酬終覺成名附驥尾
翻輸拜爵爛羊頭饒歌差喜從天降飭借何須自我籌
小李將軍文武備謂鶴人笑揮露布定風流

母述瀘溪及途中事險阻備嘗憶在漢陽探路不
知繞道杭州致未隨侍護持作詩自責並紀

父返金陵駐撫州行軍盡瘁病煩憂肩輿百里勞吾母
虎穴親煎藥一甌

小愈淹留體不支逕歸故里覓良醫那知動念辭官日
卽是重闈永訣時

尾後紅巾隔一程不逢神佑竟難生可憐遠繞淮徐地
尚有狼烽照路行

春暉寸草有餘哀遠隔雲山子不才未識西湖覓閒道
兩親辛苦賊中來